



Vita de ploania y de paisc

- **Salm de resposta:** sce le salm de resposta ven motü sön plata con notes (desco encô) ô cösc dí che al gnará cianté dla gran messa; al é porchel en aiüt y envit a cianté empara.
- **Sontada dal Consei pastoral:** en dedolönesc ai 10 de dezember do le Rorate; al gnará baié dles festes da Nadé.
- **Trei Resc:** i mituns y les mituns dla scora mesana é bel enviés a fá empara pa l'aziun dai Trei Resc, co sará en **jöbia ai 2 de iener 2020**. Düc chi co ô gní a fá i Trei Resc é der bel enviés ala pröma encuntada por meter a jí l'aziun, en **Santa Maria ai 8 de dezember** do la gran messa te Ciasa dles Uniuns.
- **Aziun d'Advent:** la **Schira Jonila** met da jí en **domegna ai 15 de dezember**, do la gran messa sön plaza, en picio **marcé da Nadé**. Al ven vonü patüc por Nadé y partí fora, por na spenora de bona man, biscoti fac da nosc grup. Ci co va ete gnará mené ai 4 pici mituns de Marianne Mair Leitner da Pflersch, morta de setember pa en me de fú te sôa ciasa. I Ves enviun da nes daidé pa cösta picia aziun de solidarieté!
- **Festa d'Advent:** le **KVW** envieia der bel en **domegna ai 15 de dezember**, do la gran messa a na picia festa d'Advent te Ciasa dles Uniuns.

1 enformaziuns y termins

KVW Seniorencub: en dedemesaledema ai 11 de dezember é düc enviés al Rorate ales 15:00 te salf dles manifestaziuns a Al Plan; dedô sará na picia festa d' Advent.

KVW: le K.V.W. dla Val Badia met a ji dai 24 ai 27 de aorí 2020 en iade de pelegrinaje a Lourdes con le fliher. Program y enformaziuns plü avisa gnará publichés plü ennant.

Ciasa de Palsa/1: é gnü scrit fora n concurs publich por ejams por curí 2 posc (1 a tomp parzial 50% y 1 a tomp plen) desco assistent/a aministratif/ia tla VI. cualifica funzionala. Al ven damané l'atestat de trilinguism B2 (ex B). Les domandes de amisciun scrites fora sön le formular aposta da ciáfé tai ofizi dla Ciasa de Palsa o da descarié dla plata internet www.ciasadepalsa.it. mess gní dés jö tai ofizi dla Ciasa de Palsa cina ales 12:00 dai 10.01.2020. Enformaziuns plü menüdes al ☎ 0474 524786.

Ciasa de Palsa/2: la Ciasa de Palsa envieia ia la prozedöra de cerna por la enciaria da responsabl/a technich/a dl'assistenza. Al pó to pert: operadesses sozio – assistenziales con en raport de laur a tomp parzial 76,32% o a tomp plen, assistenc/tes ala jont atompada y ales families con la formaziun suplementara con en raport de laur a tomp parzial 76,32% o a tomp plen, infermieri/es con en raport de laur a tomp plen. Al ven damané esperionza tal ciamp dal management sozial y/ o sanitar. I formulars scric fora mess gní dés jö tai ofizi dla Ciasa de Palsa cina ales 12:00 dai 30.12.2019. Enformaziuns plü menüdes al ☎ 0474 524 786.

Döt le bun a: Rosa Obermair, Türesc * 10.12.1939
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Plaoan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



Ann A 08.12.2019 - GRAN FESTA DE SANTA MARIA IMACOLADA n. 2



☞ Gen 3, 9–15.20 | Ef 1, 3–6.11–12 | Lc 1, 26–38

Dal Vangelo do San Lúca:

[...] ³⁰Danló ti á l'angelo dit: No te teme, Maria; deache t'as ciáfé grazia pa Idio. ³¹Te ciafaras y metaras al monn n möt: a d'el desste ti meter ennom Gejú. ³²Al sará gran y gnará nominé Fi dal Altiscim. Dio, le Signur, ti dará le tronn de so pere Davide. ³³Al regnará sora la ciasa de Iacob por dagnora y sôa regnanza n'ará degüna fin. ³⁴Maria ti á dit al angelo: Co dess pa cösc sozeder, deach'i ne conesci degün el? ³⁵L'angelo ti á respognü: Le Spirit Sant gnará sön te y la forza dl Altiscim destenará sôa ombria sora te. Chel co nasciará sará porchel sant y gnará nominé Fi de Dio. ³⁶Ince Elisabeta, töa parenta, á ciamó conzepí n fi te sôa eté; sciömía ch'an aratâ ch'ara ne ciafass nia plü mituns, éra sen belo tal sesto mens. ³⁷Pro Idio ne n'él nia de imposcibl. ³⁸Danló á dit Maria: I sun la fancela dal Signur; al sozedi con me desche t'as dit. Spo s'an é l'angelo jü demez da d'era.

Oraziun dal de

Periun! Dio gran y sant, ciarenn sön la mort salventa de Gejú Crist, aste belo dal scomenciamont ennant stravardé la vergine Maria da vigne picé por ti arjigné n'abitaziun degna a to Fi. Por sôa enterzesciun delibreiesse dai picés y mantegnessse te töa grazia, ch'i podunse te gní adancuntra con n cör net. Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen



Spo s'an é l'angelo jü demez da d'era.

☞ Letöres dla Terza domegna d'Advent "Gaudete":
Is 35, 1–6a.10 | Iaco 5, 7–10 | Mt 11, 2–11

Edema liturgica dai 08.12. ai 15.12.2019

DOM 08.	GRAN FESTA DE SANTA MARIA IMACOLADA <i>Edith y Elfriede, Sabina</i> Secunda domegna d'Advent
08:30	gran messa ciantada en onú de Santa Maria por dōta la ploania ♫ <i>Ernst Tittel, "Kleine Festmesse"</i>
14:00 10 y 18	espi da festa y benedisciun eucaristica <i>s.m. a Al Plan</i>
Lön 09.	<i>Johannes Didakus (Juan Diego Cuauhtlatoatzin), Valeria, Petrus (Pierre) Fourier, Hanna</i> de d'oraziun te familia
Ded 10. → 19:30	<i>Maria da Loreto, Angelina</i> Rorate por les Patrones y sōes families ♫ <i>Cor dai Seniores</i> s.m. por † Lena Frena Brandlechner, Sotru s.m. por vis y †† de Mareo s.m. por †† de Val y dal Craizer
Dem 11.	<i>Damasus I., Tassilo III., David, Artur</i> de d'oraziun te familia
Jöb 12. → 19:30	<i>beat Hartmann da Porsenú, memoria de Santa Maria da Guadalupe</i> Rorate por le KVV y l'Uniun dai Ei ♫ <i>grup tlarinec</i> s.m. por †† Josef Kosta y Winkler Pasquale s.m. por les families de Hubert y Maria Feichter, Tescere s.m. de ringraziament en onú de Santa Maria
Ven 13.	<i>Lucia (Lizia), Ottilia</i> de d'oraziun te familia
Sab 14. → 19:30	<i>Jan dla Crusc, Franzisca</i> Rorate por y Scizeri y por la Vijinanza da Curt ♫ <i>orgni da man</i> s.m. de ringraziament dla fam. Tone y Emma Ploner, Flo s.m. por † Angelo Ellecosta, La Costa s.m. en onú de Santa Maria dal Bun Consei
DOM 15.	Terza domegna d'Advent "Gaudete" <i>Cristiana, Maria Cruzifixa</i> FESTA DAI IUBILEI DA NOZA → oferta d'Advent por la diozeja
08:30	gran messa por la ploania y de ringraziament por i iubilars da noza y sōes families ♫ <i>grup de familiars</i>
14:00 10 y 18	funziun dal Bato de Rafael Ellecosta <i>s.m. a Al Plan</i>
ampola:	por la Vijinanza da Curt
ministronc:	→ dedolōnesc y domegna: Alex y Laura → jōbia, sabeda y domegna: Roman y Filip
i recordun:	Sr. Augusta Emma Frena, Zams + 14.12.2011



Meditaziun d'Advent (Papa Francesco, dal Angelus 08.12.2016)

Les letōres dla solenitè d'l'Imacolada nes mostra dui momonc dezijifs dla storia dai raporc danter la porsona y Chelbeldio: ai nes condüj al meterman dal bun y dal mal.

Tla prōma letōra, dal liber dla Génesi, aldiunse le prōm „Na“, la resposta „Na“ dla porsona, canche ara á orü plü ienn ciaré a se enstessa co a so Creatur y á tut la dezijiun da fá do so ce. Ma che ensciō s'ára destaché da Chelbeldio y s'á pordü se enstessa; ara á motü man da avei pora, é jüda a s'ascogne y ti á dé la colpa a chi co ti stea dlungia . Chisc é i sintoms: la pora – ara é dagnora en segno de n „Na“ a Chelbeldio – mo fej sontí ch'i á dit de no a Chelbeldio; encolpé i atrí y nia ciaré de me enstes dij ch'i sun sōle iade da m'an jí demez da Chelbeldio. Cōsc fej le picé. Mo Chelbeldio ne lascia nia la porsona tles ciales dal picé! Al va a la cherí.

Le secundo momont determinant é porchel chel co ven cunté tal Vangelo: Chelbeldio se fej porsona umana y ven a d'abitè danter nos. Y cōsc é sté poscibl tres en gran „Poa!“, chel de Maria al momont dl'Anunziaziun. Con cōsc „Poa!“ á Gejú motü man so iade sōles strades dl'umanité. Al é gnü porsona desco nos, tut fora le picé. Por cōsc ál cherí fora Maria, la sora creatōra zonza picé, la „plena de grazia“.

Maria rospogn ala proposta de Chelbeldio: „Eco la fancela dal Signur“. Ara ne dij nia: „Mah, cōsc iade fajarái la orenté de Chelbeldio, spo odarái ... „ Na, so „Poa“ é n poa deplen, por dōta la vita, zonza condiziuns. Y desche le „Na“ original á slüt le tru dla porsona a Chelbeldio, ensciō á le „Poa“ de Maria

daorí la strada a Chelbeldio co ven danter nos. Al é le „Poa“ plü emportant dla storia, le „Poa“ umil co rodosa le „Na“ dla superbia, le „Poa“ de fede co varesc la dejolganza, le „Poa“ dla desponibilitè co sciūra sotissora l'egoism dal picé.

Ince por vignōnn de nos él na storia de salveza fata dal „Poa“ y dal „Na“. Valiade, endere, sunse de gragn esperc dai mec „Poa“: i sun de bogh da fá finta da ne capí nia ci che Chelbeldio oress y ci che la coscionza se dij ete. I sun ince furbi y por ne dí nia en „Na“ tler a Chelbeldio dijunse: „Pordona, i ne pó nia“, „Nia encō, magari endoman“, „Endoman sarunse plü bun, en doman ôi perié, fajarái dal ben, ... en doman“. Y cōsta furbizia se condüj dalunc dal „Poa“ y dalunc da Chelbeldio; ara nes porta al „Na“, al „Na“ dal picé, al „Na“ dal presciapüch, al „Poa, Signur, mo ...“ Ensciō endere slüjunse la porta al ben, y le mal n'apofiteia de chisc „Poa“ enjōmés ia. Vignōnn de nos n'á na coleziun de chisc, ponsun ma empü do. Vigne „Poa“ endere lascia meterman na storia nea: dí de sciō a Chelbeldio é veramonter val' de „original“ ... Vigne „Poa“ a Chelbeldio lascia meterman stories de salveza por nos y por i atrí. Desco Maria con so „Poa!“.

Sōn cōsc tru dal Advent él Chelbeldio co ô gní a se cialé y aspeta nosc „Poa“. I ponsun: iu, encō, ci „Poa“ pói pa i dé a Chelbeldio. I ponsun ma do, al se fej bun! Y i aldiarun te nos la usc dal Signur co se damana val: en vare ennant.

“I creii en Te, i sperí en Te, i T'o bun a Te; al sii fata te me la orenté dal ben.” Cōsc é mio „Poa!“ Con Maria orunse dí encō cōsc nosc „Poa“ personal a Chelbeldio.